

շատի վրայով՝ այդ երկու մեծ քաղաքները միաց-
նող մայրուղիով, որով ազատված կլինեն նաե-
րի գործերի թիկունքի անվտանգությունը:

Արտաշատում լատիներեն արձանագրություն-
ների գյուտով մեր առջև կրկին և կրկին ծառա-
նում է մի կարևոր հարց, որը վաղուց լուծում է
պահանջում՝ զու հին Հայաստանի հռչակավոր
Արտաշատ մայրաքաղաքում հնագիտական պե-
ղումներ ձեռնարկելու հարցն է, որը դարձել է

անհետաձգելի անհրաժեշտություն: Հայտնաբեր-
ված նոր նյութերը և տեղում մեր կատարած դի-
տադությունները տարականներ չեն թողնում,
որ այդ պեղումները կլինեն արդյունավետ և
կազենեն լուծելու Հին Հայաստանի նյութական
մշակույթի և պատմության տակավին չլուծված
կամ թերի լուսարանված շատ կարևոր հարցեր:

Պրոֆ. Բ. ԱՐԱՔԵԼՅԱՆ

ЛАТИНСКИЕ НАДПИСИ ИЗ ДРЕВНЕЙ СТОЛИЦЫ АРМЕНИИ АРТАШАТ

(Р е з ю м е)

В статье сообщается о находке латинских надписей при проведении водопроводной линии в сел. М. Веди на северо-восточной окраине знаменитой древнеармянской столицы Арташат (Արտաշատ греческих источников).

Одна из надписей была высечена на пяти плитах из местного известняка. Высота плит 0,80 м, толщина 0,15—0,21 м, общая длина—8,5 м (сохранившаяся часть—7,30 м).

Надпись гласит: «Император Цезарь божественный сын Нерви, Нерва Траян, лучший Август, Германский, Дакийский, Парфянский, верховный жрец великий, трибунской (властью) облаченный XX раз, императором (провозглашенный) XIII раз, консулом VI раз [отечества отец?], III скифский легион сделал (воздвиг)».

Другая надпись высечена на надгробном камне также из местного известняка (размеры 0,72×1,67). Она состояла из 10

строк; хорошо сохранились следующие четыре строки: «Богам Маннам, Кай Валерий, воин вексиляции I легиона италиков, служил» „монумент (?) поставлен».

На месте находок обнаружены также две базы из известняка, небольшая часть вымостки из рваных камней, зернотерки, фрагменты керамики античного времени и пр.

Армения была захвачена Траяном и провозглашена римской провинцией в 114 г., но римляне смогли держаться в боровшейся за свою независимость Армении до 117 г. К этому времени и относится большая надпись, но ее хронологические рамки более точно определяются провозглашением Траяна императором в XIII раз, имевшим место в середине лета 116 г. и облачением его трибунской властью в XXI раз, имевшим место 10-го декабря того же 116 года.

Проф. Б. АРАКЕЛЯН

ՈՒՐԱՐՏԱԿԱՆ ՄԻ ՀՈՒՇԱՐՁԱՆ ԵՐՁՆԿԱՅԻ ՄՈՏ

«Scientific American» պարբերականում (1967 թ. մարտ, էջ 38—46) տպագրված է թուրք հնագետ Քահսին էզգյուլի «Հնագույն Արարատը» հետաքրքրական հոդվածը, որի հետ անհրաժեշտ ենք համարում ծանոթացնել հայ ընթերցողին:

Արարատից ուղիղ գծով մոտ 400 կմ դեպի արևմուտք, Երզնկայի մոտ է գտնվում Ալթին-թեփե (Ոսկեբլուր, մոտ 60 մ բարձրությամբ, 180 մ երկարությամբ. նկ. 1) կոչվող բլրի վրայի ուրարտական հուշարձանը, որը առաջին անգամ ուղադրություն է գրավել 1938 թ., 1956 թ. այս-

տեղ պատահաբար բացվել է մի հարուստ դամբարան:

Թուրքիայի համապատասխան գիտական հիմնարկները 1959 թ. ձեռնարկում են պարբերական պեղումներ, Ալթինթեփեի պեղման ղեկավար ունենալով հնագետ Թ. էզգյուլին¹:

Այս ութ տարիների պեղումները բացել են հարտառապետական մի հետաքրքիր կոմպլեքս՝

¹ Գիտական հաշվետվությունները տպագրված են Türk Tarih Kurumu Belleten պարբերականում:

ամրոց, դամբարաններ, պալատ, տաճար, «ժողովարան», պահեստներ և այլն:


Հողվածի հեղինակը այս հուշարձանը համարում է կարևոր մի պահակակետ, որը հսկում էր արևելյան Փոքր Ասիայից արևմտյան Փոքր Ասիա տանող լեռնանցքը, այլ կերպ ասած՝ Արևելյան Հայաստանից Արևմտյան Հայաստան տանող ճանապարհը:

Հուշարձանը, ինչպես հաղորդում է հողվածագիրը, ունեցել է խաղաղ վախճան. ոչ հրդեհվել է. ոչ էլ որևէ գրոհի ենթարկվել, ուստի և իր ներքին հարստությամբ մնացել է գրեթե անձևումս:

Մեր կողմից նկատենք, որ Ուրարտուի անկումից հետո, հավանաբար, կյանքը այնտեղ չի շարունակվել, հակառակ Սովետական Հայաստանում պեղվող էրեբունի բերդ-քաղաքի, այլպես հազիվ թե ուրարտական մշակույթի հետքերը այդքան լավ պահպանված մնային: Երկրորդ բարեբախտությունն այն է, որ Ալթինթեփեում բացվել են դամբարաններ, որոնք նյութը պահպանող կարևոր հուշարձաններ են, եթե,

պատկերը՝ փոքրացված չափերով. այն բաղկացած է երեք սենյակից, որոնց դռները փակվում են քարե սղնակներով², Պատերի վրա կան խորշեր, ուր դրվել են հուղարկավորության հետ կապված իրեր. դիակր, մեծ մասամբ մեկ հոգու, դրված է քարե կամ փայտե զեղեցիկ դազաղում, ննջեցյալը հազնված է նրբագեղ ճաշակով: Երբեմն մի դամբարանում են գտնվում երկու դիակ՝ կնոջ և տղամարդու: Կնոջ զգեստը զաթարված է ոսկե խոշոր կոճակներով. կան ոսկուց, արծաթից ու թանկագին քարերից մանյակներ և կահաքի այլ իրեր: Տղամարդու հետ թաղել են առանձնապես բրոնզե ու երկաթե զենքեր: Դամբարանները կահավորված են փայտե ոսկեպատ կահույքով. որոնց ոտքերը բրոնզից են և պատկերում են ցուլի կամ առյուծի թաթեր. կան բրոնզե կաթսաներ՝ դրված եռոտանու վրա, զարդարված ցուլի զուլններով: Գտնվել են նաև զանազան այլ իրեր՝ արձանիկներ ոսկրից, կավից, բրոնզից և այլն:

Դամբարանների պարունակությունից երևում է, որ հանգուցյալները հասարակ, շարքային



Նկ. 1.

իհարկե, դարերի ընթացքում ավերիչ ձևով չի կայել նրանց:

Հայաստանում պեղվող ուրարտական հուշարձանները, ինչպես հայտնի է, դամբարանական իրեր գրեթե չունեն, եթե չհաշվենք Նոր-Արեշում պատահաբար բացված նյութը. ուրարտացիների թաղման ձևերը մեզ հայտնի չէին. այդ տեսակետից առանձնակի արժեք են ներկայացնում Ալթինթեփեի դամբարանները: Ըստ հողվածագրի, դամբարանը ներկայացնում է բնակարանի

մարդիկ չեն եղել, այլ կազմել են ուրարտական հասարակության վերնախավը, թերևս նաև գիւղավորական բարձր դասը:

Շատ հետաքրքրական է, որ դամբարանները գտնվել են ամրոցի հաստարեստ պարսպից

² Tahsin Özgüç, Excavations at Altintepe, Belleten, XXV, № 98, 1961, Ankara, էջ 269—270, նկ. 1, 2.

դուրս³ և խնամքով սքողված են եղել օտար աշ-
քից. դրանք ծածկված են եղել մեծ սալ քարով,
ապա՝ խճաքարի շերտով և, վերջապես, հում
աղյուսե շարվածքով: Արտաքուստ չեն տարբեր-
վել շրջապատի հիմնագույնից:

Չենք կարող չնկատել, որ ուրարտական թաղ-
ման ձևը կարևոր նորություն է ուրարտագիտու-
թյան մեջ, որ ներմուծում է Ալթինթեփեի այս
հետաքրքիր հուշարձանը: Ո՛չ վանի, ո՛չ էլ Սո-
վետական Հայաստանի լայնածավալ պեղումնե-
րից համեմատելիք նյութ, այս առումով, շու-
նենք:

Եթե Նոր-Արեշի նյութը նույնպես թաղման
հետ է առնչվում, ապա դժվար չէ նկատել, որ իր
ձևով ու պարունակությամբ այն տարբեր է վե-
րը նկարագրածից և, թերևս, թաղման մի այլ
ձև է պատկերում, գուցե և հասարակության մի
այլ, ավելի ցածր խավի մարդկանց համար կի-
րավոր:

Կարևոր նորություն է նաև դամբարաններից
մեկում գտնված մարտակառքի կատարյալ սար-
քավորումը. այն զարդարված է եղել ցուլերի,
ձիերի, արծիվների գլուխներով. եզակի օրինակ
է մի բրոնզե սկավառակ (8 սմ տրամագծով)
լիակատար վարդով սլացող թևավոր ձիու պատ-
կերով, հեծյալն է երկար պատմուճանով աստ-
ված. ըստ հողվածագրի, այն արժեքավոր ուղե-
ցույց է հունական դիցարանության մեջ Պեգասի
հետ կապված դրվագի ծագումը պարզելու հա-
մար: Կան նաև բրոնզե գոտիներ թևավոր ձիերի
պատկերով, առանց հեծյալների:

Եթե դամբարանների պարունակությունը խո-
սում է ուրարտացիների բարձր արվեստի ու հա-
րուստ գանձարանի մասին, ապա պահեստների
չափերն ու պարունակությունը ցույց են տալիս
Ուրարտուի ռազմական ու տնտեսական հզո-
րությունը:

Հողվածագիրը հաղորդում է, որ Ալթինթեփեի
կարասների (խիստ նման ուրարտական հայտնի
կարասներին) վրայի հիերոգլիֆ փորագրություն-
ները դեռ վերծանված չեն, բայց և այնպես են-
թադրում է, թե նրանց պարունակությունն ու
պարունակածը մոտավորապես նույնը պետք է
էղած լինի, ինչ նկատված է, իր բառերով ասած,
«Հյուսիսային Ուրարտուի» պահեստներում: Նը-
կատի ունի, անշուշտ, Կարմիր-բլուրի նյութերը
Թեյշեբաինի ամրոցի հոյակապ պահեստները:

3 Պարսպից դուրս բացվեցին և Շենգավի-
թի IV շերտի դամբարանները (պեղող արշավա-
խմբի պետ՝ Ս. Հ. Սարգսյան):

4 Պետք է նշել, որ Թ. էզգյուլը իր հող-
վածում բնավ չի հիշատակում նույնիսկ աշխար-
հին հայտնի Կարմիր-բլուրը կամ Արինբերդը:

Եթե դամբարանները եզակի նյութ են, ապա
ճարտարապետական կոթողները իրենց շինար-
վեստի բարձր վարպետությամբ ու գեղագիտա-
կան մտահղացումներով վաղուց ճանաչում են
գտել շնորհիվ Սովետական Հայաստանում պեղ-
վող Կարմիր-բլուրի և հնագույն Երևանի՝ էրե-
րունի բերդ-քաղաքի ճարտարապետական հոյա-
կապ կոմպլեքսների: Սրանք, ցավոք սրտի,
հողվածում չեն նշված:

Թեև դժվար է հողվածի սուղ տվյալներով լրիվ
պատկերացում կազմել, այսուհանդերձ, մեզ թը-
վում է, որ Բ. էզգյուլի նկարագրած պալատ-
տաճարը իր ընդհանուր մտահղացումով ու նշա-
նակությամբ մոտ է կամ նույնն է սուսի տա-
ճարը պարունակող արինբերդյան պալատական
շենքի հետ, հատկապես իր երկու հիմնական
մասերով՝ ա) վարչական ու բնակելի շենքեր,
մեծ դահլիճ. բ) տաճարի բաց բակը՝ շրջապատ-
ված ծածկով, որը պահվում է փայտե սյունա-
շարի վրա. գտնված են սրանց քարե հիմքերը
և ներքին բազիլեր⁵:

Արինբերդյան մեծ տաճարն է հիշեցնում Ալ-
թինթեփեի սյունազարդ «ժողովարանը»⁶. Թ. էզ-
գյուլը այն համարում է նախատիպը պարսկա-
կան ապադանայի՝ մեծ դահլիճի, որը կազմել է
արքայական պալատի բաղկացուցիչ մասը:

Ալթինթեփեի պալատ-տաճարում, տաճարի բե-
կորների հետ խառը գտնվել են կավե ու բրոնզե
սկիհներ, երկաթե մականներ, նետածայրեր, նի-
զակածայրեր և այլն:

Հեղինակը ենթադրում է, որ այդտեղ եղել են
նաև խալդի աստծու արձանն ու գահավորակը, ու-
րոնք չեն գտնվել և երևի ամրոցի տերերը այդ
վայրը լքելիս դրանք տարել են իրենց հետ⁶:

Ինչպես հայտնի է, բազմաթիվ նետածայրեր
ու բրոնզե այլ իրեր գտնվել են նաև Արինբերդի
սուսի տաճարում: Սակայն Ալթինթեփեն իր ծո-
ցում պահել է արվեստի բարձր, երբեմն եզակի
նմուշներ, թերևս մասամբ իր երկարատև կյան-
քի հետևանքով:

Ալթինթեփեի տաճարի բակի մուտքին մոտ
սյունասրահում գտնվել են բրոնզե վահաններ,
ուրոնք, ըստ հողվածագրի, կախված են եղել,
երևի, դարպասից: Գտնվել են փոքր շափերի փը-
ղոսկրե արձանիկներ՝ նստած առյուծի (նկ. 2),
մարդու մարմնով, բայց թևավոր ու արծվագլուխ

⁵ К. Оганесян, Арин-Берд. I, Երե-
վան, 1961, էջ 23, նկ. 4:

⁶ Մեզ ավելի հավանական է թվում, որ
«ներքին բազիլի» (սուսի) մուտքի երկու կող-
մում բացված պատվանդանները իրենց վրա
կրած լինեն միանման բովանդակությամբ երկու
սեպագիր կոթողներ:

մի ճիվաղի. սրանք, անկասկած, ուրարտական բարձրարվեստ քանդակագործության գլուխգործոցն են. նմանօրինակ եզակի, ուրարտական արվեստում մեզ առաջին անգամ հանդիպող մի ստեղծագործություն է. ինչպես ճիշտ նկատում է և հոգվածի հեղինակը, ծառի առջև կանգնած եղջերուի կերպարը. եղջերուն գլուխը ետ թեքած, կենդանի հայաօքով նայում է ծառին. փղոսկրե չանդակը իր վրա անցքեր ունի, սրանք **լրջ**՝ պած են եղել ոսկու կամ թանկագին քարերի Վատիկաներով (նկ. 2, 3):



Նկ. 2.

Պայատական շենքի հատակներից մեկը ծածկրված է եղել խճանկարով, որի նախշերը խիստ անորոշ են, հազիվ նշմարելի. մանր խճաքարով էր ծածկված նաև Արինըրդի սուսի տաճարի առջև փռված ռակը, սակայն ոչ հարթ և առանց դույնների ո. նախշի:

Ուրարտական ճարտարապետությունը, ինչպես վաղուց հայտնի է Կարմիր-բլուրի և առանձնապես Արինըրդի աննախընթաց նյութերից, լայնորեն կիրառել է որմնանկարչությունը: Ալթինթեփեի նոր նյութերը լրացնում ու հարստացնում են մեր գիտելիքները ուրարտական որմ-

նանկարչական արվեստի մասին: Հայտնի է, որ Սովետական Հայաստանում Կարմիր-բլուրի և առանձնապես Էրերունիի (Արինըրդի) պեղածո նյութերի մեջ հատուկ տեղ են զբաղում որմնանկարչական արվեստի հարուստ ընկերները⁷, որոնց համեմատական ուսումնասիրությունից մենք հանգել ենք հետևյալ եզրակացության:

Ուրարտական որմնանկարների առանձին նախազգոտիներ, արտահայտելով մեկ ընդհանուր իմաստ, ներթին իմաստային սերտ կապի մեջ



Նկ. 3.

են միմյանց հետ և, ուրեմն, ճիշտ չէ այն կարծիքը. թե իրր շատ դեպքերում դրանք կորցրել են իրենց իմաստը և կրում են սոսկ դեկորատիվ նշանակություն:

Ուրարտական արվեստին, մասնավորապես որմնանկարչությանը խորթ է ճրկու տարրեր իմաստի հիմնական թեմաներ գետեղել միևնույն զարդագոտիում՝ ցույր և առյուծը չէին կարող մեկ միասնական իմաստ արտահայտող գոտու մեջ պատկերվել: Մեր այս էնթաղությունը հիմնավորող մի խումը նյութերի այսօր գումարվում են Ալթինթեփեի պեղումներից հայտնաբերված գեղեցիկ որմնանկարները, որոնք կրկնում են արինըրդյան ընկորը, այն կարևոր տարրերություն, որ առյուծները պատկերված են վերը սոռանձին լայն գոտեշաբով ու անհամեմատ հարուստ համադրությամբ (նկ. 4), մի բան, որ չի պահպանվել արինըրդյան ընկորում: Այս որմնանկարը, ինչպես հավաստում է հոգվածի հեղինակը, զարդարել է պատի ողջ բարձրու-

⁷ Սրանք նույնպես չեն նշված հոգվածում:



Նկ. 4.

թյունը: Պետք է ենթադրել, որ Արինբերդում էլ որմնակարները զարդարել են ողջ պատը:

Վերջացնելով այս հաղորդումը Ալթինթեփեի պեղումների կարևոր արդյունքների մասին, զարմանքով պետք է նշենք, որ հողվածագիրը գրեթե նկատի չի ունեցել սովետական հնագիտության, մասնավորապես ուրարտագիտության կարևոր եզրակացությունները. արդյո՞ք ճիշտ է, որ «ժողովարանը կառուցվել է VII դարի երկրորդ կեսին մ. թ. ա. և այն կազմում է պարսկական ապադանայի նախատիպը, թե՛ կատարվել է վերակառուցում պարսկական տիրապետության ժամանակաշրջանում, ինչպես այդ տեսնում ենք Արինբերդում: Վերջին դեպքում հուշարձանի լավ պահպանված լինելը այլ պատճառներ պիտի ունենա: Բրո՞ք հուշարձանը, ինչպես հավաստում է հողվածի հեղինակը, լքվել է ուրարտացիների ժամանակ և այլևս ոչ ոք մուտք չի գործել այնտեղ: Եթե սա ճիշտ է, ապա ճիշտ է և ապադանայի ծագման մասին հեղինակի եզրակացությունը:

Անհրաժեշտ է նկատել նաև, որ հեղինակը իր հողվածում որևէ մանավանդ քարի վրա փորագրված (որպես հուշարձանը որոշակի թվագրող նյութ) սեպագիր արձանագրություն չի հիշատակել: Տարօրինակ է և ուրարտացիների սովորությանը անհարիր, եթե մտածենք, որ նմանները չեն պահպանվել և, մանավանդ, չեն եղել պատմական Հայաստանի Երզնկա քաղաքի մոտ քաղված այդ հուշարձանում:

Մ. ԻՍՐԱՅԵԼՅԱՆ